

'nśi ie-l catacombes, che à gor ein partimēnč. 'N pò se 'nma-  
ginè, tan sot che 'η muessa ġi te tiēra per revè al partimēnt ġa-pò.

La catacombes dunque ie lučs da respetè y da venerè, percie  
che iló ie-l la tombes o fòsses de truep mīle Martiri y Sanč, che  
à cunfessà la medōma fōde crestiana che nēus cunfessón y che  
ulón dò si cšēmpio fedelmēter cunfessè fin ala mòrt.

Segnēur Antòne da Fussèll.



## Na ciántia per 'l Primiziánt.

Ie ve salude, bon Segnēur Primiziánt!

Chēs ie per nēus 'n gran dí sant,

Na gran legrēza ie-l per duč, 'nce per mè,

Chesta gherlanda je pudēi ve prešentè.

Vo fais ēnche 'n tēl pitl mut,

Y zēn sēis chēl che vèl 'l plu de dut.

Sēis chēl che fēs 'mpò de Die;

Gešū à dit: »'L ie šiche fosse je.«

Na sēul paròla 'l fēs uni sun nōs autère.

Tan ubedient šiche n' jēde a si pèr;

Da iló pò, — bōna ġēnt, pensēde —,

Te mi pitl cuer chēs 'l prim jēde.

Pò tanč 'ncuei y da-mo-in-la

Chesta grazia per vōsta mans giatrà,

Y 'l perdón de si picēi a trueps sarà dat,

Ah, cie gran cōssa che Idie de Vo à fat!


'L bon Segnēur per chēs sibe laudà y rengrazià,

Vo drèt de cuer da nēus congratulà,

La santa benedešión prions per dui canč,

Acìò che Vo y nēus uniōns 'n di sanč.

Segnēur Ušöp.



## La cuces da Nadèl.

'L fòva n' jēde 'n gran segnēur, che ie ġit na sēira te 'n  
teater de zità y à udù iló na ciantarina, ch'i plašōva terminēt.

L' auter dí va-l, bōl da macarón, zēnza se pessè ġiut, de-  
bòta y compra dodeš cuces 'ndurèdes, les ġēura su dutes, mēt ite

euces cun zechíns y dut. N' auter jêdc cialerè-i de fê del bèn,  
ulà che 'l toca. Son cuntênt, che la ie tumêda ôra 'nši.»

Sêpl da Passua.

## La fertuna.

Fertuna ie 'n uciöl  
Pià y zarà te gábia;  
Legrêza mostr-el revöl,  
Ma 'nce tristêza y rábia.

'N muessa vöster atênt,  
Aciò che 'l ne s' en vède,  
Percie sarà ric termênt  
A 'l piê 'n segundo jêdc.

T. P.

## La zintling.

La zintling! audiêis-a sunàn  
La ciampana, bôl plan: bin ban?  
Tan plan che la sona, tan plan,  
La ciampana, l' audiêis-a sunàn?

La pitla, ciuldí che 'ŋ sona,  
I no la granda bôl plan,  
Damanda 'l pitl al' oma.  
Spaurì, bôlau bradlàn.

I uedli 'n gota, l' oma  
Respuent a si pitl fi:  
»Percie, — percie ch' i sona?  
Ne pòsse, — ne pòsse te-l di.«

'L père, per êl sunòva  
La pitla ciampana, tan plan,  
Per êl chest' oma bradlòva  
A messêi l' audi sunàn.

La zintling! audiêis-a sunàn  
La ciampana, bôl plan: bin ban?  
Tan plan che la sona, tan plan,  
La ciampana, l' audiêis-a sunàn?

T. P.

## La val de Gherdëina.

Gherdëina, bōla valèda,  
Gherdëina, bōl rusnè,  
Gherdëina, bōla Gherdëina,  
T' ame plu ehe mè.

Saslóne y Pië y Cueva,  
Da Bula 'nfin Mastlè,  
Da Plan 'nfin a Pruea:  
Cialè s' en pò-η assè.

Tèi erëps y prèi y monë  
Ne vëig-η segúr inió;  
Sul mont no lèrc no lonč  
Ne ie-l plu bōl ehe tlo.

Gherdëina, t' ies furtnèda;  
Unëur a ehi pò dì:  
Gherdëina, bōla valèda,  
Cie bōl a vōster ti fi.

T. P.

---

## La rie fëna.

O tu puere, puere mat,  
Tu totl, eie ès tu mèi fat,  
A maridè na tël rie pesta,  
Che te eiavatōa drèt la cresta.

Dan maridè i fòva dut bōl y drèt,  
Ma la òva ite 'l maladèt:  
'Ntan ehe la se stilòva drèt valènta,  
Sul eë te fašòv-la suënz la pulènta.

Dì mè vèle zën! pò ies 'n mušát,  
'N totl, 'n eiavón o gor 'n mat;  
Èila à dagnëura sëula reğón,  
Tu ies mè for 'n puere macarón.

Siehe na vōra tanaja Mariëursa,  
Èila sëula tën y mēina la bëursa,  
Y še tu ues datrai 'n da-sòt,  
Te respuenderà-la snōl: slōe, slōe!

Per zandli, pintes y per se šichè  
A-l' èila dagnëura gròs assè.  
Ma šc tu adròves 'n cē de guant,  
Pētra mè tu! 'l ie-pa de-bánt!


O te ies bēn 'n puerc scafaròt!  
Ulāsses datrai t' en bōver 'n gòt,  
O fè vèl jēde 'n pitl gūec:  
Pruibì, pruibì! spieta 'm pucc!

Suēnz de nuet, per avēi si bōla ghenēda,  
Se stiel-ela finēda o gor amalēda,  
Y pò muccses mōfun tu levè su,  
Y pōsses tu chi pitli sujē gū.

Craugnē, svajē y pctē gor,  
O, chēl te fēs-cla bōl for.  
'L ie 'n spavēnt, per dieša stēila,  
A messēi avēi na tēl rie ēila!

Je ue bēn giēn i bincè 'l paravis,  
Ma mè-drē' 'm puc' prēš, šc mèi chc la gīs,  
Percie 'η nc la tēn prōpi no òra,  
Pra na tēl ēila va-η bōl 'n malora.

Franz Moroder.



## Mi ciasòta.

'L fōva na pitla ciasòta, a la bōna, de lēn,  
Ma la fōva nua, y blōta, y da stē giēn;  
La rōndules, muntres bōlc da dumán,  
Šulōva ite y òra sc-la ciantàn.

Tela chēurt òv-i 'n dròc cun si funtana,  
Cun èga bōna frēša y sana;  
Y dan cēsa fòv-el 'n tēl pitl verzón  
Cun ciblóns y salata de chersón.

Dò cēsa, te si pitla stala, mi zieba, la cēura,  
La gialines y 'n gial chc cherdōva bōl a-bcnēura.  
Te stua, sun balcón, la gábia cul uciöl  
Y mi bon Pimperle sun ban da furnöl.

Chěš fòva dut mi pitl avěi,  
Che giut cuntěnt è-i pedù me gĩauděi;  
Ma lauràn y sparagnàn šiehe 'n bon fant  
L' è-i meněda pròpi šaldì inánt.

Pò can elhe la fertuna m' a fa rie  
Y di granč 'l eunpagni y amíe,  
Mi pitla eiasòta ne m' à plu seusa,  
Y per puec a fulestieres l' è-i data ca.

Žěn è-i na cěsa pròpi da gran segněur,  
'Nğegněda ite dò 'l plu bۆl y 'l miěur,  
Y cun duta la eomoditějes le-prò,  
Y pedientri elhe me servěš dant y dò.

Žěn ěss-i běn dut 'l bۆl y tan 'l muet,  
Ma mi cuer se sěnt 'mpò puere y uet;  
Mi pitla cěsa, ulá ch' ě passà alōgra giuventú,  
O, ehěl ne ie ni bۆl y gran paláz měi, no, no, měi plu.

Truеп gròš y truеп avěi, ne 'l cherděis,  
Dà gran festideš, ie suěnz de pěis;  
La pěš del cuer y la vóra cuntentěza  
Dà mè 'l fě del běn, ma no la gran richěza. F. M.

## Ěnche 'n festide.

(De na vۆdla muta da orden.)

Puera Mariěusa ie ġu a liet,  
Ala mòrt pěns-ela suěnz bۆl a cliet;  
Ma a murì ne ie-la-pa nia grama:  
Cie ulěis-a? la ie tan na bۆn' ana.

Ma 'n festide à-la 'mpò te si últimi dís:  
Cò eialerà-la měi òra la-sú sun paravís?  
Sarà-l-pa běn dut al orden' y drět;  
Dut te si luegia, rumà su y nět?

Chì bieci troni ne sarà mia no da taces?  
I firònghes y i tepielis fòrši da maces?  
La suòles, la lampes, i viereš běn puzeněi?  
La měises, i banč y i foně běn lavěi?


Y ehi pitli ángiuli, cun si tripè,  
Ne desmencerà nia, cie ch' i èss' da fè?  
Sà-η bèn! eul nòte de sautè 'ncantèur  
Desmencerà-i bèn datrai de fè si lèur!

Y 'l bon san Piere dala gran tlèves,  
La bèrba 'm pue' da tabac y da sbèvies,  
Lašerà bèn mè ite l' anes pies  
Y no fòrši 'nee vèl lotri o stries?

In Gottsnomen, ne bèn gièn muri,  
Pò can che ruve sun paravis 'n dí,  
Pò ue-i-pa bèn drèt me purvè,  
Ulá che 'l fos bušen de cumedè.

Pò ue-i-pa bèn de dut m' en eurè,  
Mè-drè' che 'l bon Die me laše fè,  
Percie orden dē-l vòster dlone, y eis  
La-sú te chel bōl gran paravis.

Franz Moroder.



## La benedešión de mi père.


Ġnudlà pra liet del père stašòv-i bradlàn,  
Y ēl zitràn sul cē m' à-l metù la man:  
«Che chel bel Die te benedeše, o mi fi, mi fi!»  
Chēsta paròles, dut da dēibel, ma tan de cuer m' à-l dī.

Pò ie-l mòrt, y no gròš no ròba n' à-l lašà;  
Ma cialēde, pur empò si èrp je son sta;  
Percie na gran fertuna, la miēur arpeġòn  
Je stata per mè si santa benedešión.

Y pra duta mi fadiēs y mi lèur  
Per me vadagnē 'l viver cun unēur  
Me eunfòrta mò for 'n tēl pensier: de senti  
Sun mi cē la man del père che m' à benedì.

Dò 'nlēuta tan de tēmp che 'l ie bōle passà,  
Y tēi pitli «Père, père» suēnz m' à cherdà;  
Ma for can che me lecòrde de 'n chēl dí,  
Me sēnt-i 'nce je de 'n bon père 'l pitl fi.

Franz Moroder.



«Zèn va mè, me pens-i, še no Bōta sta cun festide.» Son mò eherdà pra 'l cramer y n' è fat dè per trèi lire,<sup>95)</sup> doi drairi y 'n laichter<sup>96)</sup> 'n puehl, 'n miuel<sup>97)</sup> de uele, 'm pue' de stupín dala lum, 'n maz de suplríns y 'n prisl per la fèna, y chēs ie stat bèn fat, che 'mpō de giapè la šopa y na bōna remanzina,<sup>98)</sup> šiehe l' aspitōve, can che l' à udù 'l prisl, n' à-la dit patōla,<sup>99)</sup> y prēs m' à-la purtà su 'n bon eròsul, miēur ch' i gran ojes<sup>100)</sup> n' en à, y je me 'l è šuflà<sup>101)</sup> ite cul apētīt da jagher, y pō m' è-i petà via sun ban da furnōl, me l' è impizèda<sup>102)</sup> y se l' on euntèda biei pacifici y cuntēnc mò giut ala longia, 'nfin che 'l fōva seurēnta nuet.

Zèn v' en è-i bèn eiaculà su assè; la vōdla paròles, che ne vèn puec o nia plu adurvèdes, ve spiegh-i tlo per tudēsc; metē-les inò 'n drōva, y n' auter aī v' en dirē-i inò truepes d' autres, che è crit su y che m' è nutà su. Zèn bōna nuet a duč!

Franz Moroder.

## 'N salút.

(Per nōš Segn. Pluván Franz Anderlan al' ucašión dela fōsta, che la cheinún d' Urtišēi i a fat per i dè 'l diplom de Ehrenbürger y liet dant sul bast di 18 d' Agóst 1912 da Franz Moroder de Lenèrt.)

Cialēde tanč che 'neuei s' à abinà 'ntēur  
A nōš Segnēur Pluván per i fè drēt unēur,  
'N unēur che 'l s' à tan bèn merità  
Dò vint aī de eura y dut chēl che 'l à fa.

Perdona, še 'neuei je te dè del tu;  
Crē-me, chēs vèn de cuer mò tan plu,  
'L ne ie per mèla erianza,  
Sēs bèn, nēus poèč on chesta usanza.

Bōle da gēun nōš cumpagn' ies-te stat,  
Pò ti studi eun flais ès-te fat,  
Pò cun gran zèlo ies-te stat nōš caplán,  
Pò nōš curát y zèn d' Urtišēi 'l prim pluván.

Tu dirès: »M' ēis fat for mè bōl sul mus,  
Ma dò 'l spinèl truepa muejes y ferdrús«;  
Son danz puera gēnt, perdone-nes mōfun  
A mi, a Tōne, a Sèpl y a Stōfun.

<sup>95)</sup> Pfund = 12 alte Kreutzer; <sup>96)</sup> = 4 Pfennige; <sup>97)</sup> ungefähr  $\frac{3}{10}$  Liter; <sup>98)</sup> gelinde Predigt; <sup>99)</sup> nicht das Mindeste; <sup>100)</sup> große Herren; <sup>101)</sup> schlürfen; <sup>102)</sup> anzünden ('mpièda).

Tu t'ès 'neurà de nòš bèn spirituel  
Y suvènz 'nce per tanč del bèn materièl:  
Tan de puereš y descunsulèi che t'ès gūdà,  
Y de manteni la pèš t'ès dagnëura purvà.

La curtina y la dlieša ès gūdà a 'ngrandì,  
Acìò cbe stašóns 'n vita y dò mòrt plu sauri,  
Per la scòles y tan d'autra còsses truep ès fa  
Da vint aīi y plu, per nòš bèn ès for laurà.

Cun tan de dutrines, perdicbes, 'nsegnamēnč  
Che Tu t'ès purvà, che restóns bieì valēnč.  
Ma tan suēnz ti amunizións à puee gūà,  
Y cò t'arà-la-pa pò tel euer mujà!

Ma ch'l bōl Die tēn-pa de dut cont  
Y paja-pa autramēnter cbe cheš mont,  
Y dò la fadiēs y 'l lēur de chiš pueč dīs  
De prēmio te don-el-pa 'l bōl paravīs.

Ma no mò prēš, mò giut muesses stè  
Pra nēus y purvè de nes custemè;  
Ulessán 'nce nēus la-sú te fè cumpagnía,  
Še bèn cbe nòš merít sarà pitl o nia.

Y je è mò na gauša de me ralegrè,  
Per chēl è-i 'nce purvà tan bōl de ciantè,  
Percie je è fat gor 'n bōl vadagni  
A giapè 'neuei 'n tēl bon cumpagni.

Žēn ēss-i-pa mi pitla ciantia bèn finà,  
Mè-drē che la v'ēss' scusà y no stufà,  
Pò ue-i-pa bèn inò na urōla bōl elhiet scutè,  
Percie 'l ie-pa bèn 'n taieber per gberdeina a dichtenè.



## La grandēzes del mont.

Cula paròla »mont« 'ntendóns 'l ciel y la tiēra; al ciel i di-  
sóns 'nce 'l firmamēnt y ala tiēra 'ncē 'l mont. Dut adúm ie danz  
zōche de grant òra de mesura, zōche tan de grant, cbe nòš fer-  
stònt n'ie nianea bon de se fè na drēta idèa no de vèl tan de grant.

Sul ciel ie-l na infinità de stēiles, ugnuna tan granda, che  
degún ne se pò fè na idèa, y che 'l pèr na còssa che ne pòsse  
vōster, ma 'l ie 'mpò vēira. Danter duta cantes chesta stēiles



# L' oma, ch' à metù sot ala gialines 'n dí del Avënt.

1. 'N dí del Avënt,  
Dal mađer vënt,  
Devënt-el te eësa  
'N gran spavënt.
2. Da castl da spëisa  
Via pra mëisa  
L'oma desprëda  
Dut che bëisa.
3. 'N bon pastulà  
'Neuei vën fa,  
Tamešóns y èga  
Bën mešedà.
4. 'Mpōa la lum  
Dut al-infúm  
Per corer te stalla  
A udëi 'l gruun.
5. Pō-η se 'mpensè,  
Ce nòt' y ce fè, —  
Dut te fuee  
Sarà gīt 'l cafè.
6. Mutóns y mutáns,  
Giac y eians  
S'abina dan stala  
Y sauta y bala.
7. L' oma su l' èura  
Va y gëura  
Per udëi la gialina  
Cie ehe l'à fa da eh'st èura.
8. Ce dlacià,  
Ce splumà!  
'N punšin  
T'lo bōl eherpà!
9. Gialines desprèdes,  
Mōzes dlacèdes;  
L'oma seumëneia  
A trè de gran brèdles.
10. »Tan bōlín,  
Puere punšin!  
Fòve per te vënder  
D'instà a 'n patín.
11. Y zën per eh'st ań,  
Che vën, ce dań!  
Te stua te pòrt-i  
Su bōl plan.«
12. Metù bën blòt  
Te 'n bōl seafaròt,  
Medešina le-prò,  
Getèda te 'n gòt.
13. 'L òva 'l brušëur  
Y 'n rie eulëur,  
Per ehël 'l à l'oma  
Metù sun fëur.
14. Dut al-infúm  
Te furnöl al-ingrúm  
Veneëies mò vërë,  
Che fës 'n drë' fum.
15. Furnöl revënt  
Che 'l ie 'n spavënt.  
'L punšin ehe dlëiga  
A ugni mumënt!
16. 'N 'l aut desdlaçiàn  
Y le-prò crazàn,  
Bōl' ugni-tan'  
'N pue' šiblàn.
17. Cun na šadón  
Bën smauz, del bon,  
Ti vegn-ël dat ite,  
Che 'l vegnë inò 'nton.
18. Bōl 'mpont  
Cun ehel drë' bon ont  
'L à-la, ma fat  
Unì al mont.

19. Inò te stala  
Purtà zēn 'l à-la,  
Dat da magē;  
Y pò s'en va-la.

20. Inò desfertuna  
Je-l unìt una  
Al puere punšin,  
Chic nen òva mò pluma.

21. Dlongia 'n pèl  
Da 'n pò de 'n vadöl  
Je-l unì sfrant  
'N dí de Nadèl.

22. Tel lèur de stridlè —  
Y 'l gial a ciantè —  
L'oma a 'l udèi  
Mnessa bradlè.

Leo Runggaldier.

## 'L bambín da Nadèl.

Na pitla muta ulòva mèter na lètra te na scátula dala pòsta, ma la n'argungòva nia su. Te chēla passa 'n segnèur, ti dà na ndlèda a chesta pitla, pò lieg-el l'atrès y mèt la lètra te scátula. Su la cupèrta stašov-el: »A chel bōl pitl bambín da Nadèl sun Paravís.«

'L segnèur va te scritòrio dela pòsta y se fèš lieger la lètra.  
'L fòva scrit:

Bon bambín da Nadèl!

'N aut dišàn, che te pòrtes datrai tēl bōla ròbes a chi pitli; davia de chēl te prō-i-pa bōl, ne nes desmineiē-pa nēus, pò ics-a drēt valēt. Te sēs bēn, l'oma ie for tan amalēda, mi frēdeš ie mò tan pitli, pò ons tan la stēnta: puec y nia da majē, deguna lēgna da šaudē ite, zēn che 'l ie tan frēit. Te sēs bēn ulá che stašov, òra 'nsom la cuntrēda dela pceúnia.

Valdalafám, 24. XII.

'L segnèur damanda dò y 'nrieš, che 'l ie prōpi na pucra familia. Y da sēira à-l fa purtè da si fanč de drē cestóns de lēgna, de farina y de ròba da majē a chesta familia.

No mè la familia à abù de bōna fōstes, 'nee 'l segnèur fòva cuntēt d'avēi pedù fē tan na bōn' òpra. S. da Passua.

## Da 'n devinè.

Ah, stoma chi ch' i son:  
 Crèie, èrt nen à-i degún:  
 Mo, orös-te tò retrát  
 Avisà a tè anfát,  
 I' te-l fège zègn sul momènt,  
 Ch' èl te somèie bōl dut cant.  
 Degún moler 'l òs te n' an,  
 E ju te-l fège suōl de-bán;  
 Mo te mēsses stè pro mè,  
 Še te-l os, mai te-l da-i con tè.      Prof. Alton. \*)

## Soluzión de chël da 'ndevinè tel calènder dal aṇ passà:

I.		
2	7	6
9	5	1
4	3	8

II.

36.

IV.

Deguni, i autri s' en mucia.

III. J à la I. bòza da 8 litri plèina,  
 la II. bòza da 3 litri ueta,  
 la III. bòza da 5 litri ueta.

I 'n mēt: dala I. 3 l tela II. y da chēla tela III.;

rōsta 5 — 3.

pò dala I. 3 l tela II. y da chēla 2 tela III.;

rōsta 2 i 5;

pò dala III. 5 l tela I., dala II. 1 l tela III.

rōsta tela I. 7 l II. 0 III. 1 l.

pò dala I. 3 l tela II. y da chēla tela III.;

pò n-ie-l: I. 4 l, II. 0. III. 4 l.

\*) Ōra de „Rimes Ladines“. Disprue, Wagner 1885.

sculêjes giat-el òra de Sêlva. 'L ie 'l merit de bêra Franzl, che la chemun de Sêlva à abù 'nlêuta 'l plu studênô, de plu che Sta. Crestina y Urtisêi adúm. N-ie stat na bôla lingia dai têmps de Segn. Antône da Fussèl encà, che ie gîc a studiê, l' à menêda inánt y ie diventêi prôves, dutores y tan d' autri segnêures, che pò se-la dè bôna. Y de chêl muess-i rengraziê dant a duç bêra Franzl; êl se 'ntendôva di sculêjes y savôva da cunsiê ai genitori, ce che si mutóns pudêssa diventê. Chês ie 'l sêgni plu segur, che 'l fôva 'n bon maôster.

Dal Còser, dal statò y dala chemun ie-l 'nce per chêl unì laudà y unerà. 'L à giatà la medaia dela viêra che 'l a fa pòa; 'l à giatà la medaia de merit per si servizio y pò la crêus d' argênt cula curona; del 1901 ie-l unì numinà Ehrenbûrger dala chemun de-Sêlva; y gor-a-Maran ie-l unì têu su tela Cumpagnia di Veteraneri del 1911. Y la stima, l'amor y 'l gra de duç si sculêjes i sibe ênche mò na cunsulazion y ti fêse legrêza te si völdi dís.



## Fertuna.

- I. La plôces giata 'l lén d' anêuda,  
D' autôn pò tom-les dutes gû;  
La rama rôsta bôl desnuda,  
'L lén bôl sêc 'mpona-su.
- II. 'Nsi l' ons nêus sul mont cul cuer:  
'Nce iló la fueja crês y toma  
A duç: al ric y ênch' al puer,  
Al gêun, al völdl, al père, al' oma.
- III. Fertuna se tlama na sòrt de sta fueja,  
Al' outra dulêures y mèi i dišóns.  
Ma recôrde-te, for aróns plu mueja,  
Dulêures, mèi y dešunións.

T. P.



## La cortina.

- I. 'N grum de crēușes vëig-uŋ dlone,  
De pitles, de grandes y 'nce de mesanes,  
De sas, de fiër y mò plu de lën,  
Dutes metudes per recòrt dela puer-anes.
- II. Te 'n piz 'n vëig-uŋ na pitla, stlōta,  
'L fëš prešión y mèl al cuer,  
Tan burta semōi-ela y tralașëda:  
Ch' la crēuș ie segūr metud' a 'n puer'.
- III. N' outra tela prima lèrc y lingia,  
De sas, superbia, — semōia 'n pavon;  
Se lașa mirè da duta la gënt:  
Ch' sta crēuș ie segūr de 'n gran ricon.
- IV. 'Nce 'je son' pitl y mèl udù,  
Mè me metrà-ŋ dala pitla pèrt,  
Y a chel gran ricon tla-su  
Metrà-ŋ 'n sas tela prima lèrc.
- V. Ma ne te fè mè nia da-in-ōra,  
Še t' ies puere, mè-drē no bradlè,  
On duč na fōssa scura y strēnta,  
'L gōva puec a se lamentè.
- VI. Še t' ěsses 'mpō de na crēuș sun fōssa  
Dut l' aň adòs 'n gran dlaeion,  
Per chël te fëš 'mpō 'l surēdl,  
La luna y la stēiles la luminazion.

T. P.



## 'L pëtler.

- I. Me tulës-pa pu Idie dal mont,  
Pò ěss-i al manco pëš y ghenëda  
Dò cheš viver plën de mesèria,  
Je puera persona desfurtnëda:  
    Mustrède pietá  
    De mi puvertá!
- II. L' aň passà m' ie mòrt mi père,  
L' oma n' è-i bōl' giut no plu,  
Parēnč, cuneșēnč, frēdeș o suráns  
N' è-i mèi abù no cuneșù.  
    Son dlone udià,  
    Da duč sehià.

- III. Muesse durmì suvènz ala lèrgia,  
Per 'l plu drèt stanc y plèn de fam,  
Zitràn da frèit y mèl furni;  
Èss-i pu 'al manco 'm pue' de pan!  
    'L vöster puer,  
    Fèss mèl al cuer.
- IV. Per la limòšina, cèsa per cèsa,  
Muess-i prië bôlau me temàn;  
Ve-l dişe, segúr, 'l ie burt y crudöl  
A gî per la vita zitràn y bradlàn.  
    Cie è-i-pa fa,  
    Puer' desfurtenà?
- V. Š' Idie me lašès-pa pu muri,  
Pò èssa segúr mi dulëur na fin,  
Pò n' èss-i plu drè' de messèi patl  
Y diventèsse cuntènt de fin.  
    Che la devènte 'nši  
    Prò-i ugni dí.

T. P.



## La stolza.

- I. Na muta gēuna, te stua  
Sta-la pra peniĉ da ziplè,  
Plèina de riedá y de muèja,  
Dut mata dò 'l maridè.
- II. Al prim ch' ie ruà a mutáns  
Ti à-la dat 'n cestón,  
'L fôva true' massa pitl,  
'Nšuma massa pue' bon.
- III. 'L segundo pò ch' ie unì  
N' à-la ulù drè' giut;  
A 'n giatè zèn 'n terzo  
Se dur-ela bôl del dut.
- IV. Recòrde-te, bur mus muele,  
Še t' ues te maridè,  
Ne dausses vöster stolza:  
Te muesses te cuntentè!
- V. Še 'l fossa 'nce pitl y stlöt,  
Muesses 'mpò mè 'l tò,  
Nia dagnëura 'n mieur  
En giates magari dò prò.

T. P.

## Ĝuebia grassa.

(Ciantia.)

- I. 'Ncui Ĝuebia grassa, 'n plu bōl dī!  
A rubè l' ola 'n mēur ie per ĝi.  
Drē' anda Bōta à metù sēura,  
Ie ĝita ĝun stala a mēuger la cēura.
- II. 'L mēur sun tēt s' à sgraflà su,  
De n' auter viērs nen à-l pedù.  
Se laša cun na cōrda zēn ĝu per ciamín,  
Che brèa y ciamēiša vèn da fulím.
- III. Ĝu dela segosta se tōl-el zēn l' ola,  
Malán de cuiērtl a fonz ti berdola.  
Nc sa cò s' en dī, 'l ie dut mò tan fiērs,  
La va de piē via y mucè de vèl viērs.
- IV. Giauriàn ugni uš a chiet y bōl plan  
S' en cram-el da pòrt' òra , l' ola tela man.  
Zēn bēis-el da mat y dut a pieš ĝonč,  
Se strèva la panicia, che la spriza plu lonč.
- V. Cun na prēša pò ruv-el a cēsa spavēnt,  
S' en crama te 'n piz, bēn dut da cuntēnt,  
Stravàn sēur-òra mo dlonc la panicia,  
Che fonz y parēi da ont pròpi stiza.
- VI. En tòc de ciērn drēt bēn sfumià  
Ĝa-pō del' ola ti-ie mò restà.  
Se-l rafa bēn ĝu cun na drēta gran sēur,  
I dēič se lōch-el trēi jēdēs entēur.
- VII. Cul' ola, se 'mpēns-el, ce ue-i-pa fè,  
La ue inò zeruc a Bōta purtè,  
Cialè de revè bōl a chiet te mašón.  
Scuender l' ascuendes, chēl ès reĝón.
- VIII. 'L mēur se tōl inò l' ola y va,  
Te 'n bōt ie-l bōle pra cēsa revà.  
Su sun funōstra se trapin-el bōl plan;  
L' ola ti sbriša zēn òra dela man.
- IX. 'N stlindernamēnt y na fuera da mat,  
Dutes fruzèdes, scudōles dal lat!  
L' ola berdola cun en drē' tumblamēnt  
Ĝu te mašón de Bōta termēnt.
- X. Zèra mò pōa tèi banč y tèi stuei,  
N' ola bōl plēina de papaciuei.

Trêma mè 'l fonz y trêma 'nce 'l mœur.  
N' ajut bën prôl-el zën San Stenëur.

XI. Bôta te stala mò for che mœur,  
Laša mè y bēisa zën dut en crēuš.  
De su-aut trēs ġu vën prôpi 'n drē' ruf,  
Gialines per aria ti sauta tel ciuf.

XII. Dal gran spavënt mè mud-ela culëur,  
Cul banc da mœur fier-ela 'ntëur.  
Ora da uš òra y su al-infúm,  
Te mašón zën saut-ela fašán 'n drē' fum.

XIII. Cun braces spanèi y uedli drusci,  
Perduda la trēcia, ulá ie-pa i ciavēi?  
La brōces di cospes che spuda mè fuec,  
Che 'l rôf ne se 'mpōie, chël manc-el-pa pucc.

XIV. 'N tël gran spavënt! cie ie-l pa tlo sta?  
Dut ie fruzà, dut ie stravà!  
Taières y scudōles ġites 'n bròda,  
Via per fonz cie fōtra mòda!

XV. Zën vēigh-ela 'l mœur mucian a sparón,  
Dalā funōstra de su-aut de si mašón.  
Te chēla mè tòl-ela i cospes a man,  
A dòs ti tir-ela dò besán.

XVI. 'L mœur sēura gu s' en va a berdoles,  
Dò ti fier scudōles y oles.  
Dai svējes y brèdli cherdàn n' ajut  
L' aria y la cēsa rembomba dut.

Leo Runggaldier.



## 'L fuec.

I. Ciampan' a martöl  
Aud-uj sunàn!  
N' ajut! a vèrder  
A-l metù man.

III. Fuec y tizes!  
Ġënt se prova  
A destudè;  
Nia ne ġōva!

II. Fuec y fum,  
Ġënt 'n grum,  
Ciampanes che sona  
Dutes adúm!

IV. Da ruf su ēga  
Man a man;  
Ciampan' a martöl  
Aud-uj sunàn.



- V. Cun zapes y zapíns,  
Badii y rampíns  
Zèr-uṅ ḡu stanges  
De tēč y palancíns.
- VI. 'N fi tlo sēul,  
Ch' ie unì salvà,  
Sauta per strēda  
Svajàn, desprà.
- VII. Ajut! Ajut!  
Bruša ḡu dut!  
Mi oma! Diē,  
Perdù ie dut!
- VIII. Adío zēn!  
L' oma ne vèn  
Plu mèi! adío,  
Perdù mi bēn!
- IX. Flama y flama  
For plu granda!  
Dlibrà mò vègn-el  
Na puera landa.
- X. Bestiam te stala  
Berdola 'ntēur,  
Urla y brieja  
Dal gran dulēur.
- XI. Tram y tram  
Dò y dò  
Vèig-uṅ lašàn  
Bòle dut dò.
- XII. Dut che crēpa  
Se fruza, se romp,  
Parēi y fonz  
Revēnt y gomp.
- XIII. Dut al ingrúm  
Toma adúm,  
Très su pò spuda  
Fuec y fum.
- XIV. Luminà de nuet  
Sēura dut ie-l;  
Tizes revēntes  
Spriza al ciel.
- XV. N' ēila ugnàn  
Vèigh-i zēn bradlàn,  
'N bambín salvà  
Sul brač tegnàn.
- XVI. L' oma ie-l!  
Grazia al ciel!  
Da lonč cunēš-i:  
L' oma ie-l!
- XVII. Ciavēi y guant  
Dut 'mpià,  
Sēura dut  
Dal fuec brušà.
- XVIII. Vo, mi oma,  
M' ēis salvà,  
N' auter' ana  
Mò delibrà.

XIX. Še bench' ie dut  
Zēn vardù ḡu,  
Vòš cuer, mi oma,  
Nen è-i perdù.

Leo Runggaldier.



## Nëus son söt.

(Dò l' englëiš.)

- I. Cie savrà-pa dela mòrt na criatura, che tira bōl saurí 'l fla,  
Y che te dut si còrp ne sēnt che la vita y plēina sanità?  
'Nši ch'la pitla muta ch' è ancuntà te 'n pitl luec aut tla-su  
D' òt ani y cun na ciuta de ciavēi da tòrtli 'ntēur ḡu.  
La fòa 'm pue' salvèra, furnida drē' ala bōna y 'm pue' zòta,  
Ma i uedli òv-ela tan bieci, che la fòva pròpi da-ulēi-bon dal blòta.

- II. »Pitla, tan de frèdes y suráns sêis-a?« i è-i dit;  
 »Tanč? pu sôt en duč« diš-ela me cialàn tel mus bôl fit.  
 »Y ulá ies-i-pa? di-me-l pu!« »Sôt sonse, m' à-la dì,  
 Doi frèdes ie pra i saudêjes y doi suráns a servi,  
 Doi de nêus ie te curtina, mi fra y mi sôr Lona,  
 Y tela ciasota de curtina, dlongiad êi, stašóns je y l' oma.«
- III. »Tu dišes, che doi ie pra i saudêjes y doves a servi,  
 Y che sêis sôt! Ma mi bôna pitla muta, cò pòsses chês dì?  
 »Tra mutons y mutans sonse sôt,« me respuent pitla Carlina,  
 Je ve-l è pu bôle dit, ch' i ie pu mò doi te curtina!«  
 »Ma pitla, tu vives mò y sautes 'ncantêur bôl flinc;  
 Še doi ie mòrč y te curtina, pò sêise mè plu cinc.«
- IV. »La fòsses ie bôla vèrdes, sot a 'n lèn iló ies-i êi,  
 Mè pueč var:da nòsta cêsa, unide mè a udêi;  
 Drêt suênz a fê ciauza sun si fòssa me sênt-i ġu,  
 Cêrie ite mi fazulêč y 'ntant i ciant-i su;  
 Y canche surêdl va ġu, še la sêira ie sarêina,  
 Tòl-i mi pitla copa y maje iló mi cêina.
- V. La prima, che jc mòrta, fòva pitla Lona, che ġemòva tan te liet,  
 'Nfin che chel bôl Die l' à dlibrêda y che l' à per for scutà chiet,  
 Y pò l' à-i purtêda te curtina; y canche la iërba fòva rossa,  
 Je y mi pitl fra Giuvani, nêus sautàn y se tripàn 'ntêur si fòssa.  
 Ma canche 'l ie unì la nêif, 'nce pitl Giuvani à messù muri,  
 Y 'nce êl à-i purtà via, y bôl dlongia pitla Lona 'l à-i supplì.
- VI. »Ma še doi ie sun paravís, diš-i je, tanč sêis-a pò mò?«  
 Y la pitla muta me respuent: »O bèrba, nêus son sôt 'mpò!«  
 »Ma doi ie mòrč, ie sun paravís y ne cumpêida pu no!«  
 Ma dut mi dì fòva debánt, la pitla ne se-la lašòva tò;  
 L' êssa prês bradlà, che la sturgòva bôle 'l bôc,  
 Y mò n' jêdc m' à-la dit: »O Segnêur, nêus son sôt.«

Franz Moroder.



## 'L studënt.

(Ciantia.)

- I. Eη conta, ch' i òva menà te FunòB  
 En tël pitel mut dè Gherdêina;  
 Davia che 'l òva nuef ani mè. adôs,  
 Stašòva si oma cun pèina.  
 Si sôr fòva ênche iló a servi,  
 Mà no t'la medòma cuntrêda;  
 Em pue' plu in-ite mussòv-uη mò ġi,  
 Iló fòva èila ruvêda.

II. Zën fòv-i dui doi te Funòß a servi;  
Ma Engl vardèva la vaces,  
Maria müssòva laurè dut 'l dí,  
Da sèir' i dulòva i braces.

Pernanche la fòva unid' a 'l savèi,  
Che Engl ie tlòra che 'l vèrda,  
Ti ie-la sautèda de gí a 'l údèi;  
Ma pò i à zachèi metù vèrda.

III. »Du Mòidl, du Mòidl, wou ghèaşe dèn hin?«

Ti svèja riēs dò la patrona;  
Pò s' èuta Maria y diß a 'ndevín:

»I òni ferlèuren na crona.«

»Jez ghèaşe zu klauben a gros fir di chie!«

Cumanda ad-aut ch' la tudèsa.

Maria se 'mpènsa: »Zën ie-la sch' la ie,  
N' ie auter ch' ulghè y cun prèsa.«

IV. Chel pèsta pudès pu unì a me cri«,

Dišov-'la prēs dò enfughèda,

»O muess-i-pa pròpi tò ca y ti scri,

Che son fòter for amalèda?«

La ulòva de fòrza che 'l fossa unì,

Ma no se tò dò la scurièda;

Da chèla s' temòv' la, — ne sè ce m' en di —,

La l' òva n' jède pajèda.

V. Ma Engl, sa-η bèn, òva auter da fè,

Ché gí 'ncantèur pra 'malèdes;

Levè y gustè y pò gí a vardè

Y gí dò si faç y si strèdes.

Dò 'm pöz à Maria messù pò s' en gí,

Drè' bèn ne stašov' la plu èila;

A cèsa à-la fa mè bōl prēs a vari,

Y zën ie-l na chèrdla de n' èila.

VI. Dò n' añ à 'nce Engl mudà si patrón,

Y va per Lajón a san Piere;

Zën òv' l pra mèisa na maḡra šadón,

Y 'n mièur bon bucon te taiere.

La n' à durà giut, che 'l cialòva tan bon,

Che si oma štentòv' a 'l cunèser;

El fòva 'nfati enton y de rión,

Mèdrè n' ulòv' l no crèser.

VII. »San Piere, adio! ue gí a Urtišèi,

Iló muess-i fè mi fortuna;

Ga 'l Englwirt vèd-i tel prim a údèi,

S' no vèd-i-pa bèn ga la Lúna.«

II. Zën fòv-i dui doi te Funòß a servi;  
Ma Engl vardèva la vaces,  
Maria müssòva laurè dut 'l dí,  
Da sèir' i dulòva i braces.

Pernanche la fòva unid' a 'l savèi,  
Che Engl ie tlòra che 'l vèrda,  
Ti ie-la sautèda de gí a 'l údèi;  
Ma pò i à zachèi metù vèrda.

III. »Du Mòidl, du Mòidl, wou ghèaşe dèn hin?«

Ti svèja riēs dò la patrona;  
Pò s' èuta Maria y diß a 'ndevín:

»I òni ferlèuren na crona.«

»Jez ghèaşe zu klauben a gros fir di chie!«

Cumanda ad-aut ch' la tudèsa.

Maria se 'mpènsa: »Zën ie-la sch' la ie,  
N' ie auter ch' ulghè y cun prèsa.«

IV. Chel pèsta pudès pu unì a me cri«,

Dišov-'la prēs dò enfughèda,

»O muess-i-pa pròpi tò ca y ti scri,

Che son fòter for amalèda?«

La ulòva de fòrza che 'l fossa unì,

Ma no se tò dò la scurièda;

Da chèla s' temòv' la, — ne sè ce m' en di —,

La l' òva n' jède pajèda.

V. Ma Engl, sa-η bèn, òva auter da fè,

Ché gí 'ncantèur pra 'malèdes;

Levè y gustè y pò gí a vardè

Y gí dò si fač y si strèdes.

Dò 'm pöz à Maria messù pò s' en gí,

Drè' bèn ne stašov' la plu èila;

A cèsa à-la fa mè bōl prēs a vari,

Y zën ie-l na chèrdla de n' èila.

VI. Dò n' añ à 'nce Engl mudà si patrón,

Y va per Lajón a san Piere;

Zën òv' l pra mèisa na mağra šadón,

Y 'n mièur bon bucon te taiere.

La n' à durà giut, che 'l cialòva tan bon,

Che si oma štentòv' a 'l cunèser;

El fòva 'nfati enton y de rion,

Mèdrè n' ulòv' l no crèser.

VII. »San Piere, adio! ue gí a Urtišèi,

Iló muess-i fè mi fortuna;

Ga 'l Englwirt vèd-i tel prim a údèi,

S' no vèd-i-pa bèn ga la Lúna.«

'Nšila se 'mpens' l y 'nšila à-l fat,  
Ma pò i ie-la ġita sbušèda;  
»Fè 'l šolder, dišòv-el, n' ie nia de fat,  
Tlo muess-i giatè mò vèl strèda.«

- VIII. En dí a -benëura pò s' à-l empensà  
De ġi a studië, se 'η el laša;  
Ma pò i à-i dit, cànche 'l à damandà:  
»Tu bën a studië! Via Faša!  
»Purvón, diš si oma, lašonse-l pu ġi,  
El pò unì 'n pröve da-in-òra!  
»Pò diš mò si père: »O tu ès liër di,  
Ugnions-a cui gròš pò bën òra?«

- IX. »Cui gròš? Per i gròš me vën bën mè da ri,  
Chëi fëš mè em pue' de paruda;  
Idie y la Madòna nes pò benedì,  
Pò bën onse dut chël che ġuda.«  
Y 'l mut à-i mandà a Bulzán a studië,  
Y 'l ie unì 'n pröve da-in-òra.  
Eη vëiga ch' Idie sa dagnëura premië  
N' oma che pröia y 'l adòra.

Segn. Batista.

## 'L studënt.

Ciantia y mušiga de Segn.  
Batista da Sotanives.

Adagio Moderato



Eη con-ta ch'i ò-va me-  
vi - a che'l ò-va nuef

Imo

nà te Fu - nōß en tël pi - tel mut de Gher - dëi-



Ciantèda da Giuanì Batista Kasslatter, ilamà Batista Zink.



## Na viva pra mèisa da nòza de Segn. Engl Comploj.

- I. Segnèur Premeziant y Vo duč tlo da nòza!  
Scusède! damande zèn Vòst' atenziòn.  
Metède 'n mumènt da na pèrt Vòsta bòza,  
De mōz la furchèta, de-mōz la šadón.  
Ve diše-pa zèn 'n valguna paròles,  
Audi-l's y teni-les mè drèt bèn a-mènt;  
Fè mèl o fè dañ o fè rie ne Ve pò-les,  
Ma anzi legrèza a chi ch' les entènt!
- II. A di l' aurità, ie na mēssa nevōla  
La cōssa plu santa, che on sun cheš mont,  
La cōssa plu dēgna, la cōssa plu bōla;  
De tan na gran cōssa messóns tenì cont.  
Eŋ diš che 'ŋ dēs adurvè 'n pèr de sòles  
Per ġi a na mēssa nevōla 'nvalgón,  
Magari che fossa la strèdes drèt mōles,  
Ne dēss -uŋ schivè no pantán no puntón.
- III. Da chēš pò ugnun zèn se fè na idèa  
Dela fōsta, che duč on encuei' zelebrà,  
Dela ueja, del gaudio de chēi da Ciaucèa,  
De chēi de Palùia y d'la gran parentá.  
Ma 'l prim a s' lá gòder sēis Vo, Sègnèur Enghel,  
Pò gòt anda Sēfa, Vòst oma, ugnè bōl;  
Cun ēila y cun Vo Vòs bon pèrè, bèr' Enghel;  
Na viva a dui trēi de-berieda bōl snōl.

- IV. La viva ie fata ai primes ch' la toca,  
 Zën vëgn-i pra i autri bôl plan dô a dô;  
 N' ulës che valguni ës da di: »La mc moca,  
 Je fôve pu ênche pra i autri le-prò.«  
 Ma ši! a dui canč che sëis tlo pra sta mēisa!  
 Pu auter, na viv' a ugnun de-segúr!  
 El vin ne me mancia, de ch'lun cn ulëis-a?  
 De cucciun, de blanc, de linëus o de scur?
- V. Ne pösse Ve mēter ugnun te si pòsta,  
 Avisa š'che sëis tlo pra mēisa metui.  
 Ma n' è-pa malizia y ne fëse a pòsta,  
 Sun chl purdenēde! Zën sons entendui:  
 J frëdeš, me pēr , che dës vöster i primes,  
 Dô i frëdeš metonse pó rieš la suráns;  
 Vo, Mēin', ës i libri, Vo, Sèpl, la limes,  
 Maria y Mariana ie brovai fenáns.
- VI. Zën rat-i che toca i noni y la nones;  
 Che Vo, Segnēur Enghel, che chiš tira dant?  
 'L bēn ch' i V' à fat n' ie mē rainēš y crones,  
 Ma 'l bon ch' i V' à ulù y Ve uel da mò inánt.  
 Na viva ai pröveš, chiš ie nòstra sēves,  
 Prad ēi dëssa ugne crestian se teni;  
 Èi lēura y se pröva y zörca š'che l' èves  
 Tela vigna d' Jdie tan de nuet che de dí.
- VII. Na viva al pröve, ch' à fa la perdica,  
 Na viva pessunder i toch-el, mē pēr:  
 Na bōla perdica ie chēla che šica  
 Tël fōstes, che vën zelebrēdes dinrēr.  
 Tlo muess-i guntē mo na pitla parōla:  
 Perdiches pudonse audi minechie  
 Y duč à 'l dovōr pò de gī a sta scola:  
 Perdiches y dutrines: parōla de Die.
- VIII. Zën fēs-i na viva a eh'la pitla inüzēta:  
 Tu ies la nevicia del mađer Segnēur!  
 O sibes dagnēura tan bōla valēta,  
 Tu ës sun cheš mont de-segūr dut 'l miēur.  
 Ma fëse-pa bēn 'nce a chi pitli na viva;  
 Je spōre ch' i sibe mò duč inüzēč,  
 Davia che si genitori ne schiva  
 No 'l lēur no la bria ,ch' i sibe valēč.
- IX. Na viva ai bërbeš, na viva al' andes,  
 Pò ala cugnēdes y duč i cugnēi:  
 Cun tan de bieł guanč y tël bōla gherlandes  
 Mustreïs la legrēza de vöster enviēi.

Ma Vo, bèra Sèpl y anda Giudita,  
Y Vo, anda Bōta, y Vo, bèra Mōz,  
Se fos da Nadèl, Ve menëss-i en slita:  
Ihi al ciaval y pò vèl pitel smòz.

- X. A Vo, bèra Tòne, y Vo, anda Stina,  
A bèra Batista y si Trèsel le-prò,  
Ve fès-i na viva, che degun ne 'ndevina,  
Tan bona y tan dèucia ch' la ie-pa permò.  
Gutweniger Alois, Gutweniger Corl!  
Na viva a Vo y a Vòsta fenans!  
Se un vèn da Vo, depò saut-el y cor 'l,  
Davìa che 'l spōra de piē bona mans.

- XI. Zèn anda Rusalia y anda Mariana,  
M' è 'm pue 'ntardivà, ne s'en avède 'mpermèl.  
Cialòve, še vèighe Merzödc y Damiana  
Y Cosl y anda Maria da Rainèl.  
Per Vo è-i na viva a posta 'ngignèda  
Y zèn Ve-la fès-i da vödl amic;  
Che nòsta amizizia nen ie engatièda,  
Udòns pu dagnëura mè böle tel plic.

- XII. A Vo, bèra Sèpl y anda Maria,  
A Vo, bèra Franzl y fèna da Fëur,  
Na viva a duč chëi che ie entëur via,  
Na viva cun vin da na drë' bona sëur.  
Na viva ai ugìns, ai studënč y cumpagnes  
Y pò ala Segnëura Prinoth de Maran,  
Pò mò ai Ladurner; zèn fina la tanjes,  
Ma 'mpò n' è-i finà; me audieis mò ciantàn.

- XIII. Ve fëse na viva a duč mò te n' jède  
Y mò na plu granda per duč i parënč!  
Ulësse che duč fossa tlo de-berìede  
Cun Vo pra sta mèisa biač y cuntënč.  
A ulei cunsidrè ie-l na gran parentōla,  
Che pòrta i cunuemes Demetz y Comploj,  
Davìa ch' la ie no mè granda, ma böla,  
J fès-i na viva mò zèn a dui doi.

- XIV. A duč ch' à purvà de gūdè entëur ite,  
Acìò che ches dí vëgne òra tan böl,  
Dui canč sibe pu mè tla vives stluč ite!  
Rengrazie a duč pò de cuer mò böl snöl.  
Ulón mò prië, che sta fòsta vèd' òra  
Sch'la ie gīta ite encuei da duman.  
Die fëse unì alegrëzes da-in-òra!  
Y zèn Vë salud-i y Ve toche la man.

Seg. Batista.



Ròa, sēura Val dal Plan, 'l Dròc di Goli, Val Scura (o Val da Lèc) via sula Pitla Ròa 'nfina òra 'l Balöst sēura Sacun, ulà che 'l ie inò tan bōl a cialè gū. Pò dà ěuta, vie gū per i Purcējes gūn Pedralbra, passa òra Zertlàn, Pincán, 'l Fussèl da Pincán y Sartēur y òra per Istla y ruves inò te Via da Bò, ulà che t'ies muet. Vēighes-te, 'l ie drèt šēmpl; še te vès iust šiche t'è dit, pò vēighes bōlau duta la Mont de Rešiesa y 'mpères nēut dlone.

Gan: Ma ies-a mat, chi savrà-pa da gī bōl iust šiche t'ès dit, y chi se lecurderà-pa cheš grum d' inuemes; tlo adurvēss-uŋ na lōncòrta, ulà che fos duč chiš inuemes curiòš. Tlo ne me 'mpaz-i-pa, 'nsēgna mè 'n plu acòrt a fè cheš viač.

Ušöp Antòne: Pu basta, še n' auter 'l sa, pudrès bēn 'nce tu te dè 'm pue' de bria a 'l emparè; ne sarà mia no massa, še te savēsses 'm pue' nēut tè ti pròpria patria.

Gan: Pu bon bon, še t'ès 'n dí del' auròla, vie tu 'nstēs cun mè, pò áres che 'mparerè 'nce je nēut; 'ncuei n' jēde m' ès fat dut cunfús cun ti grum d' inuemes, che nen ěsse mèi cherdù che 'l en fossa tanč te nòš pitl luéc. Per 'ntant adio, Ušöp Antòne, y grazia de ti bria.

Fr. Moroder.



## Sentēnzes y pensieres.

Š' un ne sa da tenì la musa y da scutè,  
Dēss-el se cri na fēna, dēss-el se maridè,  
Še 'l ne 'l 'mpèra dala fēna dò se maridè,  
Pò ne sarà-l plu autramēter da i gūdè.

T. P.

'L tēmp, o bōl o burt, 'l se muda;  
'Nši l' ons nēus sul mont cul cuer:  
Datrai legrēza, mò plu tristēza,  
Sibe-pa 'l ric o sibe-pa 'l puer.

T. P.

Ódio y rabia fēš petè de drè' gran sauč;  
Un ch' ie mat dal' ěiles 'n pēta mò de plu auč.

T. P.

La fam y la puvertá  
N' ie segúr no vèl de bōl,  
Ma 'l mat al' ěila sarà  
Mò bōlau 'l mađer mèl.

T. P.

Pra stlofes de patáč  
Tenid' là bocia stluta,  
Še 'n òst mēt òra 'n brač,  
Giauři-la pu mè duta.

Segn. Batista.

A vöster for tela ustaries  
 Pudëss-ur̃ les ratè per sies,  
 Še ne uniss' datrai 'n òst  
 Y cūmandëss': »Žen ġi-v'en tòst!«

Segn. Batista.

I musicòntri ie dagnëura  
 'Mpermalëuš y delicač,  
 Si mušiga ie for la miëura,  
 'Nce š' i miaulōa šich' i ġiač.

Segn. Batista.

A ġi tel stuelp a spaz  
 Ne dëss-ur̃ paie daz;  
 A ġi a spaz tel luec,  
 Ic 'n heller bōle truep.  
 Še 'ŋ va pò dò si strëda,  
 Dëss-ur̃ avëi ghenëda;  
 Še duč ġis dò si strëda,  
 Pò ëssa duč ghenëda.  
 Chi uel vöster beač,  
 Chëi vëde dò si fač..

Segn. Batista.

'N ric se fëš òra puere,  
 'L puere se fëš ric;  
 'L prim ie 'n avarón,  
 L' auter 'n superbón.  
 O 'n pësta de 'n pultrón.

Segn. Batista.

A vöster for sun chi marcëi  
 Tan d' ëiles y pò mò tan d' ëi,  
 Messëss-i pu cumprè en mont,  
 Dò mi idëa de fè cont.  
 Ma truepes va mè per udëi,  
 Na pèrt mèdrë per tò cunsëi.  
 La puera bōsties sula fieres  
 Ne giata nia dis entieres.

Segn. Batista.

Žen muess-ur̃ ġi òt ani a scōla,  
 La dura danz 'm pue' plu ġiut;  
 Še tèn la nëif a ġi a tōla,  
 Va mò plu ġën vël pitl mut.  
 Finà che 'ŋ à de ġi a scōla,  
 A-ŋ danz finà si plu bie' ani;  
 'Mpō de ġi dëschëuč a tōla,  
 Scumënc-eŋ tōš a ġi a bagni.

Segn. Batista.

Chi che te lauda sul mus,  
 Laša stè y mostr-i l' uš. \*)

\*) Nach Alton, Proverbi etc. Innsbruck 1881.

I sapienč rešona puec,  
I eiorches t' ugni lucc. \*)

'N dessená y 'n ciòe y mat,  
Chèi ie dui trèi unfat. \*)

Chi che vif de scròc  
Ne vèl 'n flòc. \*)

Tan auta eh' ie la mont,  
Tan bassa ie la val,  
Plu insú che te vès,  
Plu ingú tumerès. \*)

Chi eh' à truepa ròba,  
Vif plu saurí y mòr plu èrt,  
Chi eh' à puecia ròba,  
Vif plu èrt y mòr plu saurí. \*)

Chèl che 'ntòrè 'l fil,  
Guda al tišerc,  
Chi che tèn la šèla,  
N' ie nia mièur che 'l lèrc. \*)

Šiche 'l père ie i mutóns,  
I fanč šieh' i patróns;  
Šiche la patrona la fanciòla,  
Šiche la vacia 'nši la vadòla. \*)

A chi che brèva, dèss-uḡ i-n dè,  
A chi che se lamēnta, i-n tò. \*)  
Chi che brontla ugni mumēnt,  
Tira na ciazza de farina al vènt. \*)

A tenì cēsa muess-uḡ la stizè. \*)  
Dal dit al fat ie-l 'n gran trat. \*)  
I mač cunēš-uḡ ai ač. \*)

'N aut dišàn, 'ḡ aut mentiàn. \*)

'N viz de natura port-uḡ a sepultura. \*)  
Chi eh' à crià l' uciòl, darà 'nce 'l granòl. \*)

Chi che desbuta, compra.

Ch' i 'n laše valèi un dlongiad ēi i muess-uḡ vòster a na  
pèrt de gēnt šaldi dān òra. C. D.

Ne ie da crēier tan urdenár che na pèrt de gēnt ciēla òra,  
caneh' i — mēt su 'n zelinder. C. D.

\*) Nach Alton, Proverbi etc.



# Badiòt.

## Al osti da Lungiarü.

- I. Ladins, si gëis-pà a Lungiarü,  
Storgöde pro mo dër de sigü  
Ailó da Jaco a palsè,  
'N osti, de tai n' en cial-eη plü.
- II. Bøl pronto da serví el ô,  
So vin fës düc canè vis y ô  
Tan bun co Magdalenervin;  
Ince pier a-l vël del Kundler fin.
- III. Dela snòps n' o-i bëgn ci nia di,  
Mo bëgn laldè súa spëisa mës-s-i.  
Col priš n' ô-l nine nia tirënt,  
Te súa ciasa ô-l nèt y liciorënt.
- IV. Ince ô-l da spaš y dër parlënt,  
Con vigni-un anfat valënt.  
Famošo ô-l vël da ciantè;  
Düč diš: »Tlo orunse stè!«
- V. Nos düc studënc messun 'l di,  
'Nšo ô-l l' osti da Lungiarü;  
Nòš bun amic sarà-l y ô stè,  
Per chël oruns i ringrazië.

Josef Taibon.



## Valc por 'l mè de cië.

(Na storia dontada del tēmp di Romani.)

Zacán è-l 'nt' les nostes valades y munts la gënt por 'l plü  
bëgn böla sana, gajerda y de buna vëja. Ai nen' è bëgn ince nia  
tan ziti co zëgn y ne se fasò troep da-n-fòra por 'm pü de cialt  
o frëit o fan o valga sort de mal o mè. Še valc falaa da-sën,  
à-i de bunes èrbes de vigni sort, mo 'mpò ince 'n mōde, c' aa  
medëgines gonot cis bues stëršes.

## Le jagher dal jal da galeder.

- I. Na sēra sarēna dēr bōla de Ma,  
De fōra la loena prēs colma co da.
- II. La ora co bat zēgn la cēna de noet,  
Le jagher tralaša atira so lōt.
- III. Les ciaspes, le rucsoc, le stlōp scl spinē,  
Atira ō-l stē vėl con doet argignō.
- IV. Con james lēsieres va-l cuntra le bōsc,  
Dò n' ora o dōes èdl ēl scen le pōst.
- V. 'Mproema se fēs-el 'n fūc sot 'n lēgn,  
Sc 'mpēja la pipa y palsa dēr bēgn.
- VI. Dò 'm pōz le calander mēt man da ciantē  
Y 'ncūnda al jagher ch' al vēgn prēst la dō.
- VII. Y tōst ō-l le jal spo co cianta scl lēgn, —  
O jagher atira argigne-te zēgn.
- VIII. Al alza les ares, destira le cōl,  
Le jagher dertánt gī damprō spo i pō-l.
- IX. Zēgn tir-cl 'n šūre y laša 'l ciantē,  
Scen chēsta le jagher spo l' a-l asmatē.
- X. Respōsta la-sora da l' jal dessenē,  
El gōra alerc spo — y vēgn stlopetē.
- XI. 'N cighe la-sora, le coi scl spo snōl,  
Fornēs con na plēma dal jal so ciapōl.

Josef Frontull.



## Mascherada fašana.

### Le doi muše dal moliné da Perra.

(La piú véja se chiama Eleonora e la ġoena Beatrize.)

E. L c ben na meséria con chest moliné,  
Ndo, Beatrize, no se sa olá che l e.  
L se n' e ġit anché dale sie  
E amó no l e rua ti pie.

B. L c vera, son stufa ence jo de spetár,  
Parche me premessa de magnár.  
La peta, che l me a dat suta, e magnada,  
Son amó ben ben famada.

E. O mia Beatriza pureta,  
Speta che vae a far n' altra peta.  
No mi mporta mia ñ schit  
Ence jo, ence e boni apetit.

(NB. Eleonora va a far la peta e Beatrize so la rešona cošita.)

B. Mi ámeda Eleonora l e na dona,  
Ognún sa, segur bona,  
Ela péissa semper per me,  
Auter plu che per se.

L e vera, amó l' auter di,  
La me a comprá a mi  
N peten e n gramiál  
Plu bel che chel de Roša da Soál.

La me a comprá n bustín e n anél,  
Che l c segúr valc de bel!  
Adés son vestida da ciaf a pic  
Tan, che de un che falés le fie.

No l die per ciapar la polenta,  
Mo son po ence jo valenta.  
J-maores saches cogne jo portár  
E se preša ben ben trotár.

Dal peis storta cogne ġir;  
E sente da sen me dir  
Prest cun na ouš grossa »Ari ca!«  
Prest cun na spenta: »Ari la!«

Se presta no voi ġir,  
J mc faš subít sentár  
Na gran peada amó  
Te chel'puret de do.

L e própío da grignár,  
Che i se met a ciastiár  
Subit chel de do purét  
Cun peade e cun bachet.

O corpo dela luna!  
Chel no a mia cólpa valguna,  
Che, parche col far trun — trun,  
L disturbassa foš l común.

Par chel mingol del vers, che l faš,  
Subít tinf tonf i je daš;  
Esser no l e nešuna rešón,  
Ma pazienza, bel e bon.

Nsc próprio na meseria l e,  
A servír n pec o n moliné.  
Se con ġir sot piévia e vent  
Cun na ciaria, che faš spavént.

J faš corer e trotár,  
A costa de crepár,  
Che se sofle c se sua  
Plu che te na bona stua.

Chel magnár no fossa mal,  
Ma chel l e ampó n fal;  
Prest iporta freit, prest ciaut  
Sche a chel cianolín de Sbaut.

Mi ámeda staš zis trop a vegnír,  
A vedér se ven, voi ġir.  
A st'ora la podessa esser chió,  
Ma voi spetár n pec amó.

Adés sente mi ámeda a vegnír  
La cognoše bel tel ġir  
Con chi bie feres da mušat,  
Che l auter di Tonín je a fat.

(NB. Eleonora ven cun la peta.)

E Te pur neza! magna su n bon teis,  
Che tu n abe assá par n meis.  
Chesta fossa po ben da grignár.  
Fam no se volón po mia durár.

- B. A've la dir fora dreta,  
Aede fat na bona peta,  
La me plaš sehe tortie  
O sehe de bie forandie.
- E. Seóuta ma, me par de sentír  
Adés l moliné a vegnír.
- B. O, jo pureta!  
No e amó magná la peta.
- B. Me la volesse ampó magnár,  
Che foš cogne ġir a tor da maġenár;  
Ma foš l va a dormír,  
Capassime, la voi fenír.
- E. Ši, ši, a dormir l e ġit!
- B. Adés no me mporta n selit,  
La peta se volón magnár  
E n pee se la eiacolár.
- Ámeda, l áuter dí, che siede stata a nol,  
Ve a i po dat da mpienír l fol?  
Nia amó no aede dit,  
Dišemel mo, ve pree, subít.
- Ve a i po dat da béiver e da magnár,  
No fará de besén de domanár,  
Ve a i po dat pete, pan e vin  
De ehel, che vel l fáure da Mazzín?
- E. L paraa próprio na eucagna  
Ognún dišea: »Eleonora magna!«  
J a fat segur n disnarón  
Tan che l dí de sagrón.
- Na supa i a portá  
E po n gran zapolá,  
L era ma segúr de smauz e bon  
L eon esser stat de formentóni.
- Dapó na torta l e vegnú,  
Beatrize, se tu aesse vedú!  
A no dir na buġia, la era grana  
Plu ehe la noša maór fana.
- J porta n eiaf de mušát,  
Crese ehe de Bertol l sie stat,  
Cun n gran eop de pria  
De presór, ma no la era ria.
- L e vegnú amó na salatína  
Blota de schiċ de jalina,



Cun bret de cobes i l' a conciada.  
La era bona, duta la aón magnada.

Vin però ence assá zenza fal,  
J l portaa te n gran bocál.  
Aón ben magná e ben beú  
Che siane bon fač su.

Chel no no me a plašú,  
Beatrize, se tu aesse demó vedú,  
L era proprió da grignár  
E pur se cognea magnár.

L e vegnú n cop de lat de pegna plen,  
La ite l era pizágoi, mete pen,  
Neigres auter plu che n parolót  
O da tabác, šche l nas de Carabót.

A far chest i a mpará da Maghért,  
Ši, proprio da chel stravért,  
L creit che sie n bon bocón,  
Che dae forza da sansón.

Te l ciapél de Piva i a portá,  
Ma de chel no n c magná,  
Un bel gran pramés  
Toč de bonze e ravalés.

E tan magná e tan beú,  
Che n fin no podec plu,  
Ma can che son vegnuda, chel pastolá,  
Che tu me as fat, l a dut justá.

A cheđer l e stat Lucrezia, chela carogna,  
Cul mus nfroziná e le man de roгна.  
Cun la gocia al nas e masteán fave  
Cun la boccia duta sot a bave.

B. Chest volesse saér amó,  
Che dísei, che conta-i po?  
Chest volesse amó sentír,  
Dapó volesse ġir a dormír.

E. O Beatrize se tu saesse,  
Segúr ence tu planġesse,  
L e dut sot e sora, e sora e sot  
Šche le erbe de chel Ġoan Zifolót.

Sun chest mondo, sun sta tera  
L e dut descórdia e vera,  
Jo no se, co che la ġirá,  
Se valc prest no muderá.

J parassa via re e imparatores,  
Sehe se fossa zompes de sartores.  
Adés vel ognún comanár,  
Chesta ši la e da grignár.

La veritá, a te dir,  
No se, co che la podrá ġir;  
Se comanár vel ognún,  
'Nfin no ubidissa plu nešun.

J parasssa deméz papa, véscovi e pluvégn,  
Se demó i podessa, mete pegn,  
Parche, corpo dela luna,  
Religiún no ne plu nešuna.

Volón po ben preár  
L cel, la paš a ne manár;  
Parehe Beatrizze, neza mia,  
Zenza chesta la e braussa e ria.

Adés volón po ben sin ġir,  
A pussár e ben dormír,  
Che domán bonora podassanc levár,  
A ġir a tor da maġenár.



# Fedom.

## La insuda.

Sion da insuda,  
Sion nte n outra sason,  
L sol a cambiè, no ne pi chel,  
o ce bel!

La insuda la è chilò  
E sto invar fet, el no commanda pi  
la eugnù s en xi.

Salve chi a creà ste bellezze  
De sta sason ebe le la insuda,  
bele vignuda.

La sta n erudo da valeh sta ota,  
Giazava ite dut nfin i sas  
e incia l nas.

Ades godonesse la insuda  
Che la è vignuda bona ciauda  
chesta si sauda!

Da insuda due jè contene  
Parcè che no nè pi eusi chiet  
ne gnanca fret.

Ades due va de fora  
E se scomenza a laurà  
e sintinà.

Incia le femene le daur el bareon,  
Le lassa la ciauz a la roda  
e le va de fora.

De fora dut lè bel vert  
Ste arbe le scomenza a vigni  
semper de pi.

E i guziei jè jaro chilò,  
La è tan bella sta sason,  
se la godon!

Le zigre jè vingude,  
Le scomenza a fabricà  
e ristaurà.

Canehe i centa due a una  
Sti guziei i fa n gazer  
che lè n piazer.

Le fuoje le scomenza a spontà  
Ma alla pena che somea a siti  
baffi de 'coseritti.

Insoma la insuda la è bella.  
Calcche ota ven n onda  
ciara e monda.

Incia l ziel lè bel saren,  
De not lè dut stellà  
da incantà.

I siori istesso, i lasse le basse,  
E i se tira pi aut,  
che lè maneo ciaut.

Infatti n auter vive lè adess,  
La porta content sta sason  
de chel bon.

Ades le not le ven pi curte,  
E de not no se và pi,  
lè meo dormi.

E eusi me avè capi.  
Chi da Coll je furbi e fign,  
pu je Ladign!

Melchiore Colleselli.



## Sa mont lè ben bel.

Da ste bande lè ben bel,  
no nè degò de tal mont  
che rùe fin sal ziel.

No se finis mai pi de i vardà  
a ste mont cusi aute,  
lè proprio na rarità.

Non dut intor de ste mont  
bele verde o da bosc  
da n zima fin xun font.

On ben incia crode  
aute che fas spavent  
con chi spiz sun dute le mode.

Lè la Zuita, la Montagna e l' Crot,  
Sas biench e Mont de val,  
lè cheste eusi da banda de sot.

De là lè Versal,  
pi insù la Lastia e Croda rossa,  
e po lè Palla dal sal.

Fin de Xugn no se pol xi su,  
sun ste erode eusi frede  
lè la nef neora n toeh n xu.

Per esempio ntal Crot,  
ehe mi el vede ogni di,  
lè nef tan de sora ehe de sot.

Versal lè neora pi aut.  
Se abadè ben d istà,  
vede le peggiorare sun ehel saut.

E po lè la Lastia,  
lè ineia na granda eroda,  
lassu lè ineia na ostaria.

E Croda rossa ehe i varde ogni di,  
la fa aspetto, massima  
eo l sol va a fiori.

Palla dal sal la da esser ineia bella,  
se vede a varda su,  
mi no son mai xu sun ehella.

E po lè Naolào  
na mont tant nominada  
per esempio ineia Giau.

I prai da mont jè ben bieci,  
sun ste mont lè n piazer,  
come sun Piezza e sun Melei.

Xal pe del dut lè Zopei,  
e po lè Porre, Val ciarnara  
e su insom lè i masarei.

L mes d Agosto due va su,  
sa mont a siè  
e no se volesse pi vigni xu.

De domenie da sera le allegria,  
se ride, se seherza,  
no se pensa pi a nia.

Da da sera se binon  
de dies o dodes xovign  
e xon a seccà Ostazon.

Sa mont lè bel a fa na ridata  
entel fen coi suoi amizi  
ma pi bel lè eon na tosata.

Melehiore Colleselli.